

RESOLUCIÓN REITORAL DO 28 DE MAIO DE 2015 POLA QUE SE CONVOCAN AXUDAS E SUBVENCIÓNS PARA O PERSOAL DAS UNIVERSIDADES PÚBLICAS GALEGAS PARA A MATRÍCULA EN ESTUDOS OFICIAIS NA UNIVERSIDADE DE VIGO NO CURSO ACADÉMICO 2015/2016.

A Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia (DOG do día 11), na exposición que fai sobre prezos públicos no seu capítulo 2º do título II, non recolle a posibilidade de exencións.

Pola súa banda a disposición adicional 19 da LOU, recollida na Lei 4/2007 establece que calquera redución de prezos públicos regulada pola Administración competente será compensada anualmente nos orzamentos da Universidade mediante transferencias.

Por iso estímase necesario establecer un sistema de axudas con cargo ao orzamento da Universidade para facilitar o estudo ao persoal que presta os seus servizos nela. A contía desta subvención ten a consideración de retribución en especie segundo se regula no artigo 42 da Lei 35/2006, do 28 de novembro, do imposto sobre a renda das persoas físicas e de modificación parcial das leis dos impostos sobre sociedades, sobre a renda de non residentes e sobre o patrimonio, e como tal está suxeita a tributación como rendemento do traballo, e por tanto, sometida ao sistema de retencións a conta na porcentaxe que se practique aos restantes rendementos de traballo. Ademais, en aplicación do artigo 109 do texto refundido da Lei Xeral da Seguridade Social incluírase na base de cotización.

Así mesmo, verbo doutras entidades públicas, fíxase a posibilidade de recoñecer aos seus membros axudas ao estudo. En particular, ao persoal das universidades de A Coruña e de Santiago de Compostela, en virtude dun recoñecemento recíproco destas axudas sometido ao principio de compensación.

ESTA REITORÍA RESOLVE:

1. Convocar as axudas e subvencións para a matrícula do persoal das universidades galegas en estudos oficiais do curso académico 2015/2016 na Universidade de Vigo e aprobar as bases da convocatoria.
2. Ordenar a publicación da devandita convocatoria no taboleiro do rexistro xeral e auxiliares da Universidade de Vigo.
3. Establecer que as axudas e subvencións poderán solicitarse no modelo oficial (Anexo I) dende o primeiro día de matrícula dos distintos estudos de grao, máster e doutoramento **ata as datas que figuran no anexo II**, presentando a documentación requirida nos lugares indicados no punto V da convocatoria.

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na *Lei 29/1998 do 13 de xullo, reguladora da xurisdición contencioso-administrativa*.

Así e todo, as persoas interesadas poderán optar por interpoñer contra esta resolución recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo antes citado namentres non recaia resolución expresa ou presunta do recurso de reposición, de acordo co disposto na *Lei 4/99, do 13 de xaneiro modificadora da Lei 30/1992, do 26 de novembro, de réxime xurídico das administracións públicas e do procedemento administrativo común*.

Dilixencia para facer constar que esta resolución se publica no taboleiro de anuncios dos rexistros da Universidade de Vigo.

Vigo, 28 de maio de 2015
Xefe da Sección de Bolsas

Maria Guadalupe Fernández Romero

Vigo, 28 de maio de 2015

REITOR
Salustiano Mato de la Iglesia

Universidade de Vigo -
Rexistro Xeral

Saída Nº. 201500009598
28/05/15 09:20:56

BASES QUE REGULAN A CONVOCATORIA DE AXUDAS E SUBVENCIÓNS PARA O PERSOAL DAS UNIVERSIDADES PÚBLICAS GALEGAS PARA A MATRÍCULA EN ESTUDOS OFICIAIS NA UNIVERSIDADE DE VIGO NO CURSO ACADÉMICO 2015/2016

Por esta normativa regúlanse as axudas e subvencións para a matrícula na Universidade de Vigo, no curso académico 2015/2016, para o persoal das universidades públicas galegas. Esta normativa publicárase no taboleiro de anuncios do rexistro xeral e auxiliares da Universidade de Vigo.

I. OBXECTO

1.1 Axuda e subvención aos prezos públicos por servizos académicos en titulacións oficiais impartidas na Universidade de Vigo

1.1.1 As persoas titulares e as beneficiarias terán dereito á percepción de axudas para a súa matrícula na Universidade de Vigo en estudos conducentes á obtención de titulacións oficiais, para realizar unha única titulación oficial con cargo ao programa de acción social propio.

As persoas solicitantes so estarán excluídas desta axuda no caso de estar en posesión ou reunir os requisitos legais para a obtención dun título do mesmo nivel ao correspondente ao dos estudos para os que solicita a subvención que xa fora financiado con cargo ao programa de acción social propio.

Enténdese como única titulación oficial con cargo ao programa de acción social propio o seguinte:

- a) As persoas que estean en posesión dunha licenciatura, enxeñaría ou arquitectura, financiada con cargo ao programa de acción social propio, só terán dereito á subvención para cursar un título de máster e un título de doutoramento.
- b) As persoas que estean en posesión dunha diplomatura, enxeñaría técnica ou arquitectura técnica, financiada con cargo ao programa de acción social propio, só terán dereito á subvención para cursar o curso de adaptación ao grao que substitúe á titulación obtida, a un título de máster e un título de doutoramento.
- c) As persoas que estean en posesión dun título de grao, financiado con cargo ao programa de acción social propio, só terán dereito á subvención para cursar un título de máster e un título de doutoramento.
- d) As persoas que estean en posesión dun título de máster, financiado con cargo ao programa de acción social propio, só terán dereito á subvención para cursar un título de doutoramento.
- e) As persoas que estean en posesión dun título de doutoramento, financiado con cargo ao programa de acción social propio, no terán dereito a esta subvención.

1.1.2 No caso de simultaneidade de estudos entre dúas titulacións da Universidade de Vigo, a axuda concederase para os estudos correspondentes á súa primeira titulación.

1.1.3. No caso de matricularse nun Centro Adscrito da Universidade de Vigo, os beneficios enténdense ata o 25% dos prezos de matrícula, tal e como establece o Decreto que publicará no DOG a Consellería de Educación e Ordenación Universitaria para o curso 2015/2016.

1.2 Non serán obxecto das axudas regulamentadas nesta resolución os importes que se reporten dos seguintes actos:

- As e os estudantes que formalicen a súa matrícula en formación continua.
- As e os estudantes que formalicen a súa matrícula en titulacións propias, títulos propios de posgrao e outros cursos da Universidade de Vigo e que non teñan carácter oficial.
- Os prezos polos servizos académicos de: apertura de expediente, expedición e mantemento de tarxetas de identidade, soporte e documentación da matrícula, expedición de certificacións académicas,

tramitación de traslado de expediente a outras universidades, solicitude de equivalencia de estudos estranxeiros, probas de acceso, expedición do título universitario oficial (esta exención será aplicable a persoas beneficiarias de familia numerosa) ou calquera outro acto que non sexa obrigatorio para acadar título oficial.

- O importe do seguro escolar.

1.3 Contía das axudas:

a) O importe das axudas será o correspondente aos prezos públicos por servizos académicos das materias matriculadas, coa exclusión dos importes recollidos no apartado 1.2 desta convocatoria.

b) A contía desta axuda ten a consideración de retribución en especie segundo consta no artigo 42 da Lei 35/2006, de 28 de novembro, do imposto sobre a renda das persoas físicas e de modificación parcial das leis dos impostos sobre sociedades, sobre a renda de non residentes e sobre o patrimonio (BOE do 29/11/2006), e como tal está suxeita a tributación como rendemento do traballo, e por tanto, sometida ao sistema de retencións a conta na porcentaxe que se practique aos restantes rendementos de traballo. Ademais, en aplicación do artigo 109 do texto refundido da Lei Xeral da Seguridade Social incluírase na base de cotización.

II. PERSOAS DESTINATARIAS

2.1 Persoal da Universidade de Vigo.

2.1.1. Titulares.

Son titulares dos dereitos das axudas obxecto desta convocatoria, o persoal que presta os seus servizos na Universidade de Vigo e que a seguir se relaciona:

- 1) Persoal funcionario de carreira pertencente aos corpos docentes universitarios, destinado na Universidade de Vigo.
- 2) Persoal docente da Universidade de Vigo interino ou contratado que preste servizos na Universidade de Vigo, percibindo retribucións **con cargo ao capítulo I** do orzamento da mesma.
- 3) Persoal funcionario de carreira ou interino dos corpos ou escalas que presten os seus servizos como persoal de administración e servizos na Universidade de Vigo.
- 4) Persoal laboral fixo ou temporal, que preste servizos na Universidade de Vigo, percibindo retribucións **con cargo ao capítulo I** do orzamento da mesma.
- 5) O persoal que se relaciona nos apartados anteriores que acadara a xubilación no desempeño do seu posto na universidade.

O persoal referido nos catro primeiros apartados deberá atoparse na situación de servizo activo ou servizos especiais ou ben excedencia por coidado de filla ou fillo ou maiores dependentes. **Cando a súa situación sexa a de servizo activo deberá estar prestando servizo na universidade no momento da formalización da matrícula.**

Xa que estas situacións administrativas son propias do persoal funcionario, entenderanse respecto aos restantes tipos de persoal recollidos neste apartado 2.1.1 que poden ser consideradas ou considerados titulares dos dereitos recollidos nesta resolución reitoral cando se atopen nos supostos de feito que a normativa da función pública recolle como xeradoras da situación de servizos especiais e servizo activo.

2.1.2. Persoas beneficiarias.

Son beneficiarias e beneficiarios do dereito das axudas obxecto desta e deberán acreditar a súa relación con quen sexa titular:

- a) A/O cónxuxe da/o titular do dereito, ou persoa que acredite análoga relación, e as fillas e fillos de calquera dos dous, que vivan no domicilio familiar.
- b) As e os menores de idade acollidos pola persoa titular de xeito “permanente” ou “preadoptivo”.
- c) A/O cónxuxe e as fillas e fillos da persoa titular do dereito que acadase a xubilación no desempeño do seu posto na Universidade de Vigo ou que falecese en servizo activo (neste último caso só durante os cinco anos seguintes ao do pasamento).

En todos os casos as fillas e fillos das persoas titulares, para seren beneficiarias e beneficiarios, non poderán ter cumpridos, no prazo de formalización da matrícula, os 28 anos no caso de estudos LRU e de grao, os 30 anos no caso dos estudos de máster, e os 33 nos estudos de doutoramento.

2.2 Persoal das Universidades de A Coruña e de Santiago de Compostela.

Terá dereito á exención do pagamento dos prezos públicos por servizos académicos para as matrículas que formalice na Universidade de Vigo, o persoal con destino nas Universidades de A Coruña e de Santiago de Compostela, así como os seus beneficiarios e beneficiarias, que reúnan os requisitos establecidos para o persoal da Universidade de Vigo nos mesmos termos que ten recoñecido este.

A aplicación desta resolución estará suxeita ao principio de reciprocidade de compensación ou reintegro á Universidade de Vigo por parte destas institucións.

A compensación, a que se fai referencia, será realizada polas Universidades no mes de xuño de 2016, e de non facerse, procederase á modificación da concesión.

III. INCOMPATIBILIDADES

- 3.1. A persoa beneficiaria non poderá figurar con máis dun ou dunha titular. No caso de que presente máis dunha solicitude a persoa titular do dereito deberá ser sempre a mesma.
- 3.2. Estas axudas son incompatibles con calquera outra, de carácter público ou privado, destinadas para a mesma finalidade.
- 3.3. Terá carácter prioritario a aplicación de calquera outra axuda, dedución, subvención ou exención para o pagamento de prezos públicos por servizos académicos á que o alumnado tivera dereito, sendo obrigatorio poñelo en coñecemento da Universidade.

IV. COMPENSACIÓN E REINTEGRO

O importe da compensación será a totalidade do importe das matrículas deixado de percibir pola Universidade de Vigo debido á aplicación da exención ás persoas solicitantes da subvención de cada unha das universidades.

- 4.1. O día 5 de xuño de 2016 a Sección de Bolsas, enviará ao Servizo de Retribucións e Seguros Sociais a relación das persoas beneficiarias das axudas para que, ao ter a consideración de retribución en especie, se imputen como rendemento do traballo no imposto sobre a renda das persoas físicas e se inclúan na base de cotización.
- 4.2. O día 5 de xuño de 2016 a Universidade de Vigo remitirá ás Universidades da Coruña e Santiago de Compostela unha certificación do importe das matrículas deixadas de percibir por esta axuda, para que realicen a compensación durante o mes de xuño.

No caso de que non existise compensación dos prezos públicos procederase á modificación da concesión debendo aboarse por parte da alumna ou do alumno o importe da matrícula.

V. SOLICITUDE E REQUISITOS

O prazo de presentación das solicitudes será dende o primeiro día de matrícula dos distintos estudos de grao, máster e doutoramento para o **curso académico 2015/2016** e atendera aos prazos establecidos na correspondente convocatoria de matrícula.

A alumna ou o alumno que marque a exención de Universidade de Vigo, Universidade de A Coruña, Universidade de Santiago de Compostela no momento de formalizar a súa matrícula, poderá realizar a solicitude de subvención mediante instancia dirixida á Sección de Bolsas (no modelo do ANEXO I) acompañada da documentación que se relaciona no punto VI desta resolución, e presentaranse no rexistro xeral da Universidade, nos rexistros auxiliares dos campus universitarios ou en calquera das dependencias previstas no art. 38.4 da Lei 30/92 de 26 de novembro modificada pola Lei 4/99 de 13 de xaneiro.

A matrícula do alumnado realizada como solicitante desta axuda producirá a suspensión do pagamento do importe da axuda que poida corresponder ás persoas beneficiarias en titulacións oficiais impartidas na Universidade Vigo, agás o estipulado no punto 1. 2.

5.1. Nos documentos de pago da liquidación da matrícula para o persoal con subvención de prezos públicos, inclúiranse os seguintes textos a carón do importe que figura como subvencionado:

5.1.1. Persoal da Universidade de Vigo: “A contía desta subvención ten a consideración de retribución en especie segundo se regula no artigo 42 da Lei 35/2006, do 28 de novembro, do imposto sobre a renda das persoas físicas e de modificación parcial das leis dos impostos sobre sociedades, sobre a renda de non residentes e sobre o patrimonio, e como tal está suxeita a tributación como rendemento do traballo e por tanto, sometida ao sistema de retencións a conta na porcentaxe que se practique aos restantes rendementos de traballo. Ademais, en aplicación do artigo 109 do texto refundido da Lei Xeral da Seguridade Social incluírase na base de cotización”.

5.1.2. Persoal da Universidade de A Coruña: “Esta subvención está condicionada á súa compensación por parte da Universidade de A Coruña. No caso de non percibir a Universidade de Vigo a devandita compensación no prazo establecido na convocatoria, deberá aboar o importe da matrícula sen subvención”.

5.1.3. Persoal da Universidade de Santiago de Compostela: “Esta subvención está condicionada á súa compensación por parte da Universidade de Santiago de Compostela. No caso de non percibir a Universidade de Vigo a devandita compensación no prazo establecido na convocatoria, deberá aboar o importe da matrícula sen subvención”.

VI. DOCUMENTACIÓN:

- Formulario de solicitude de axuda debidamente cumprimentado.
- Fotocopia compulsada de todas as follas do libro de familia onde figure edición, serie e número da persoa titular do dereito e das persoas beneficiarias.
- No caso das persoas que convivan maritalmente deberán achegar certificado de convivencia ou empadroamento ou, nos supostos de parellas de feito, certificado expedido polo Concello, ou copia da certificación emitida polo Rexistro de parellas de feito.

VII. TRAMITACIÓN E RESOLUCIÓN.

O órgano encargado da revisión do cumprimento dos requisitos para a obtención da axuda e a elevación de propostas ao reitor para a súa concesión ou denegación será a Sección de Bolsas, así como a notificación ás persoas interesadas da resolución adoptada.

Logo de cruzar os datos das persoas titulares do dereito coas administracións ás que estean adscritas, e unha vez examinadas as solicitudes e a documentación presentada polas e polos estudantes, se non estivese debidamente cuberta a solicitude ou non se presenta a documentación esixida, requirirase á persoa interesada para que, no prazo de dez días, emende a falta ou presente os documentos preceptivos, con indicación de

que, se así non o fixera, se lle dará por desistida da súa petición, logo da resolución, de conformidade co previsto no artigo 71 da Lei de réxime xurídico das administracións públicas e do procedemento administrativo común.

Efectuada a revisión, a Sección de Bolsas, elevará a proposta de resolución definitiva de concedidas e denegadas ao reitor, para a súa publicación no rexistro xeral, nos rexistros auxiliares da Universidade de Vigo e na páxina web.

O prazo máximo para resolver será de 6 meses dende a finalización do prazo de matrícula. No caso de que a resolución sexa:

- a) de concesión: as persoas beneficiarias matriculadas no curso 2015/2016 non aboarán os prezos públicos polo importe da subvención concedida. De teren pagado este importe, unha vez ditada a devandita resolución, procederase de oficio á súa devolución.
- b) de denegación: o alumnado afectado deberá aboar á Universidade os prezos públicos polos servizos académicos que no seu caso lles correspondan, e que deberán figurar na liquidación de matrícula e procederase a súa reclamación de oficio.

Non obstante poderase esixir o pagamento cautelar da matrícula cando o alumnado pida a expedición do título académico e aínda non estea resolta a concesión das subvencións.

A resolución pola que se acorde a concesión ou denegación da axuda pon fin á vía administrativa e contra desta, poderá interpoñerse recurso contencioso-administrativo no prazo de dous meses dende o día seguinte á súa publicación, de conformidade co disposto na *Lei 29/1998 do 13 de xullo, reguladora da xurisdición contencioso-administrativa*, sen prexuízo da interposición, con carácter potestativo de recurso de reposición no prazo dun mes dende a súa publicación.

VII. OBRIGAS

A persoa interesada/o ou interesado deberá estar matriculada na Universidade de Vigo durante todo o curso académico 2015/2016 para poder manter a súa axuda e subvención.

VIII. REVOGACIÓN DAS AXUDAS

8.1 A concesión desta axuda poderá ser modificada:

- a) Se se concede a persoas titulares ou beneficiarias que non reúnan algún ou algúns dos requisitos establecidos ou non os acrediten debidamente.
- b) Incurrir nalgunha das causas de incompatibilidades establecidas nesta convocatoria no punto III.
- c) Se as Universidades de A Coruña e de Santiago de Compostela que teñen acordos de reciprocidade ou compensación, non realizan a compensación no mes de xuño de 2016.

Nestes casos o alumnado deberá aboar o importe da matrícula, se aínda non o realizou, nos dez días seguintes á recepción da resolución de modificación de concesión.

8.2 A contía da subvención modificarase por aplicación ou cancelación doutra exención prioritaria: matrículas de honra, familias numerosas, bolseiros MECD e outras exencións, por recoñecemento de créditos, ou por outras modificacións realizadas na matrícula.

IX. NORMA DERRADEIRA

As axudas imputaranse á aplicación orzamentaria 0000 421S 162.99 “Outros Gastos Sociais”, que ten a consideración de partida ampliable.

ANEXO I

SOLICITUDE DE SUBVENCIÓN PARA O PERSOAL DAS UNIVERSIDADES PÚBLICAS GALEGAS PARA A MATRICULA EN ESTUDOS OFICIAIS DO CURSO ACADÉMICO 2015/2016 REGULADAS POLA RESOLUCIÓN REITORAL DE 28 DE MAIO DE 2015

1. DATOS DA PERSOA DO DEREITO Á SUBVENCIÓN

Apelidos e nome: NIF:

Domicilio a efectos de notificación:

Enderezo:

Concello: Provincia: CP:

Teléfono fixo e móbil: FAX:

Correo electrónico:

Indicar se é persoal das Universidades: Xubilado ☐ Falecido ☐

Administración na que presta servizos⁽¹⁾

2. DATOS DA PERSOA BENEFICIARIA DA SUBVENCIÓN (ESTUDANTE)

Apelidos e nome: NIF: Data de Nacemento:

Titulación:

Parentes coa persoa titular (sinalar cun "x"): ☐ filla ou fillo ☐ cónxuxe ☐ a propia persoa titular

Importe da subvención:

¿Posúe outro título universitario financiado con cargo ao programa de acción social propio? (sinalar cun "x")

☐ SI → Indicar a titulación:

☐ NON

¿Está matriculada ou matriculado neste curso en estudos universitarios? (sinalar cun "x")

☐ SI → Indicar a titulación:

☐ NON

¿Estivo matriculado anteriormente noutros estudos universitarios? (sinalar cun "x")

☐ SI → Indicar a titulación:

☐ NON

3. SE DESEXA CORRIXIR ALGÚN DATO BÁSICO DA PERSOA TITULAR DO DEREITO Á SUBVENCIÓN, SINÁLEO E FAGA CONSTAR O CORRECTO

☐ Apelidos e nome
NIF:

☐ Administración na que presta
servizos⁽¹⁾

..... a de de 20.....
A PERSOA TITULAR⁽²⁾,

Asdo:

⁽¹⁾ Universidade de Vigo/ Universidade de A Coruña / Universidade de Santiago de Compostela

⁽²⁾ Declaro a veracidade dos datos da presente solicitude e autorizo a que na revisión das solicitudes se solicite de outras administracións a comprobación dos mesmos.

ANEXO II

PRAZO DE FINALIZACIÓN DE PRESENTACIÓN DE SOLICITUDE DE AXUDAS E SUBVENCÍONS PARA O PERSOAL DAS UNIVERSIDADES PÚBLICAS GALEGAS PARA A MATRÍCULA EN ESTUDOS OFICIAIS DO CURSO ACADÉMICO 2015/2016

Para ensinanzas de grao e titulacións a extinguir:

- Ata o **15 de setembro de 2015** para quen se matricule nos períodos ordinarios dos meses de **xullo e agosto de 2015**.
- Na semana seguinte á formalización da matrícula para quen se matricule nos meses de **setembro e outubro de 2015**.
- **No momento da matrícula**, para **quen se matricule no centro de estudos** (prazas vacantes, matrícula fóra de prazo, etc.).

Para estudos de posgrao:

- Ata o **10 de setembro de 2015** para quen se matricule en continuación de estudos de máster.
- Ata o **20 de outubro de 2015** para quen se matricule por primeira vez.
- Ata o **25 de febreiro de 2016** para quen se matricule por primeira vez en materias do 2º cuatrimestre.

Para estudos de doutoramento:

- Do **1 ao 7 de outubro de 2015** para quen se matricule por primeira vez ou en continuación no 1º cuatrimestre.
- Do **26 ao 29 de febreiro de 2016** para quen se matricule por primeira vez no 2º cuatrimestre.